

آبونه شرائطی

ممالك عثمانیهده سنه لکی (۶۵) ، الق
اولفی (۳۵) غروشدیر .
ممالك اجنبیهده سنه لکی (۱۷) ، الق
ایلفی (۹) فرائقدیر .

اداره خانه

باب عالی جاده سنده اورخان بك خاننده
نومرو ۲۳-۲۶

اخطارات

آبونه بدلی پیشندیر .

§

مسلكه موافق آثار مع المحتوییه قبول
اولنور . درج ایدیلمه یں یازیلر
اعاده اولوغاز .

~~~~~

# الدوره

سیر ۱۳۳۰

دینی، علمی، ادبی، سیاسی خفلهلق مجموعه اسلامیه در

والله یهدی من یشاء الی صراط مستقیم

اتبعون اهدکم سبیل الرشاد

صاحب و مدیر مسئول : ح . اشرف ادیب

جلد ۲ - ۹

۲۱ شباط ۱۳۲۸

پنجشنبه

۲۸ ربیع الاول ۱۳۳۱

عدد ۵۲ - ۲۳۲

عیناً:

## سبیل الرشاد مجموعه اسلامیه سنه

افندم ،

سبیل الرشاد مجموعه اسلامیه سنه ۵۱ نجی نسخه سنده کی «اعتراف» سرلوحه لی فقره یه نظر دقت کنی جلب ایدرم: تصویر افکار ده نشر اولان «شبهه کی فرانسه» عنوانی مقاله مک بعض پارچه لری ، - و قتیله سبیل الرشادی تعصبه اتهام ایدر کن شیمدی بوندن پشیمان اولمش ، غرب مدینتک چیر کینلک لری کورمه باشلامش بر آدمک سوزی کی - نقل ایدیورسکر !  
اولا ، حقایق دینی یی نشره سمی ایتکده اولدوغنی کوردیکم یکانه مسلمان مجموعه سی سبیل الرشادی تقدیر ایدنلردم ،

ثانیاً ، نه سبیل الرشاد تعصب اسناد ایتدیکمه دلالت ایدر ، نه ده غرب مدینتی مطلق صورتده تقلید طرفاداری اولدوغنی کوستر هیچ برنشر یاتده بولونمادم . بن یالکز «تورکیا» نک دکل ، باشند باشه شرقک بر خصوصیتی اولدوغنه ، بناء علیه مدینتی کندی شخصیت معنویه سنه کوره تمثیل ایتسی ضروری بولندو . غنه ده قائلم . زمان مساعد اولورده ، بالخاصه مملکت حقه کی افکار می طویل بر صورتده کوستر مکه موفق اولورسم بنده کی طرز تلقی دهاها زیاده کسب وضوح ایدر . بحث ایتدیکم فقره ده کی تلخیص ایلک نسخه ده تصحیح بیورلسی رجاسیله تقدیم سلام واحترام ایلرم افندم .

## هشتم ناھید

سبیل الرشاد . - اوسوزلر مزله بر شخصیت معینه قصد اولونما مشدر . مملکتک منفعت ومضر تی یک کوزل تقدیر ایدن کنج محررلر مزله بزم ده افتخار ایده جکمز طبیعی در .

تلفراف:

## سبیل الرشاد صریحه اسلامیه سنه

قنطره ، ۱۷ شباط . شام وجوهندن بعضیلری التماسیله اوچیوزیکرمی بشده شام تذیق قومیسینی طرفندن قنطره مفتیلکنه تعیین ایدیلن ۳۰۳ تولدی قنطره لی بدرالدین افندی بگونه قدر هیچ بر مدرسده تحصیلی ، اجازتی اولدینی کی خصوصی تحصیلی ده یوقدر . حتی برکوی امای کی بر جمع نمازینی قیلدیرمه ، عربی العباده برسطری طوغری اوقومغه اقتداری اولدینی بتون ولایتجه معلوم وضرب مثل حکمنه کچمشدر . بویله اجهل ناسک دیناً ، سیاسیة اھیتی درکار اولان قضا مقام فتوای مسلمینی اشغال ایتدیرلسی طوغریسی استنادکاه دیانتی اساسندن هدم ایتک دیمک اولدیفندن وذاتاً بوکون چکدیکمز چله لر هپ دیانته عدم اعتنادن ایلرو کلدیکندن ، بو حالک دوامی قطعاً قبول ایده میز . عرض و بیاندن مستغنی اولدینی اوزره مقام فتوی ، مرجع امور دیاندر ، مأ کل جهلای زمان دکادر . هیچ بر زمان امور دینییه مزک ایاقده قالدیفنی کورمه اعصابک تحلی اولدیفندن لطفاً مفتیلرک اصول وتعامل قدیمی دائره سنده اشرف و علمای محلیه نک انتخابیه تعیین ایدلسنه دائر مجلس وکلا قرار یله تعیم وسوریه ولایتجه جواباً داخله نظارتندن تبلیغ بیوریلان ۲۷ تشرین اول ۳۲۶ و ۷۰۷ نومرولی امرنامه موجبنجه امثالی مثللو قضا صر مفتیلکنه علمادن ، مرشد کاملدن برینک انتخابیه تعیین ایتدیرلسی اسبابنک استکمالیه امور دینییه مزک ایاق التندن قورتارلسنی بز عموم قضا اھالیسی استرحام وطلب ایلرز فرمان .

وجوهندن بلدیہ رئیس حاجی سلیمان ، وجوهندن : سلیمان ، عمر فوزی ، جمال الدین ، عبدالحید ، حاجی حسن ، احمد حمدی ، یعقوب ، ارسلان عثمان ، عین زیوانلی حاجی یعقوب ، مرزوه احمد محمد ، محمد اسلام ، حاجی اسماعیل ، حسن ، حاجی صالح ، سعید ، منصوره دن ذکر یا ، عبدالقادر ، ادریس .

## سبیل الرشاد صریحه اسلامیه سی اداره سنه

قنطره ، ۱۸ شباط . - قنطره مفتیسی حقنده صدارته ، مشیخته ،

مغلوبته دوچار اوله جقیرینه وخصوصاً آرا لرنده دارالفنونلی آرقداشلریمز کی عالی برملتک طبقات منوره سنه عائد افرادک بولوندیگی بر اردونک انهمزاه اوغرایه جقغه بزی کیسه اقتاع ایده من .

«حوادث صحیحهدن اوله رق وطنداشلر یکردن وصیده دارالفنون رحله لرنده بزمه برابر بولنان احمد منیر ابراهیم افندیدن آلدیممز خبرلردن دارالفنونکوزک وطنکزی حمایه یولنده قانی فدا ایدن عثمانلیر ایچون خسته خایه افراغ اولوندیگی ، سزک ایسه میدان حربه قوشدیفنکزی آکلامشدق .

«بوفدا کارانه حرکاتکز سزک «مقدس وطن ، کله سنی نه قدر عمیق معناری ایله درک ایتدیککزی بزم اثبات ایتدی ، طوبراغی قانله یورلمش وطنمز «یاماتو» [۱] نک اوغلاری اولان بزلر دخی سزک وطنپرورلککز ، عاشقز ، قهرمان عثمانلی اردوسنک قهرمان اوغلاری ، هر نوع تبریکه شایانکسکز .

«مع التأسف بوصولک کونلرده کلن بعض خبرلر ، عثمانلی دارالفنون طلبه سندن میدان حربه کیدنلردن بر قسمنک اوراده شهید دوشدیکنی اشعار ایدیوردی . - شاب حق آنلرک روحنی شاد ایتسون . مع مافیہ بوندن سزک متأثر اولایه جفکزه امیز ، زیر سز وطن مقدسکزی حمایه ایچون هر آدیس یوزلرجه شهادی اسیرکه من برملتک اوغلاری . سکز . زیر اعصابک زنده کی اصیل قان یینه اولونه قهرمانی آسیالی عثمان پاشا قانی در !

«ای دارالفنون اردوسی ، وطنی حربده حمایه ، صاحده نور عرفان ایله تنور ایتک کی یکی بیوک شرفی حائزکسکز . سز محبتمزی ، صمیمی احترامی اظهار ایله ، سزی جهاد کزده تبریک ایله افتخار ایلرز . جهاد ایدیکز ! جهاد ایدیکز ! چونکه سایه کزده بیوک برملت مسعود اولاجق ؛ طاغلی ، طاشلری تقدیر اوله من کوزل وطنکز مسعود اولاجق ؛ سزده کسب حریت ایده جکسکز . اسارت باشقه لرینه یاقیشیر !

«جهاد ایدیکز ! جهاد ایدیکز ! نامکزی سرحدلر کزده آلتونلرله یازوب دشمنه قارشو قویسونلر . جمله من قلباً سزکله برابرز . «مجاهد لک حامیسی جناب حقدر ، جهاد ایدیکز ! «صمیمی محبت واحتراملریمزی تقدیم ایدرز قرداشلر !

## وصیره دارالفنونلی نامه «یوزبرلر»

\*\*

شو صمیمی مکتوبی یوز بر امضا ترین ایدیور . بتون اجانب بزی سهام بلاسی ایله ازرکن یالکز ژاپونیا دن بویله محبت آور بر مکتوبک غازی ومجاهد لیمزه ویره جکی قوت وروچی دوشوندکجه مسرتلره غرق اولیورم .  
توکيو

احمد منیر

[۱] ژاپونیا نک قدیم واصل اسمی در .